

畏廬先生著

合浦珠奇

商務印書館印行

合浦珠傳奇目錄

第一齣

家祭

第二齣

避雨

第三齣

問額

第四齣

別母

第五齣

推產

第六齣

縱博

第七齣

索金

合浦珠傳奇 目錄

MG
I237.2
21



3 1762 9444 9

第八齣

行乞

第九齣

雪臥

第十齣

悔過

第十一齣

謁主

第十二齣

珠還

合浦珠傳奇

畏廬老人填詞

第一齣

家祭

場上懸知足二字匾額生常服微步上

(簇御林)

絲絲雨 暮又朝 近

清明 插柳條 賣錫簫過人家悄 漸覺得

春寒小 儘無聊 偏無愁在 那用酒來

消

小子陳伯澐。閩縣人也。七齡喪父。賴我孀母。撫鞠成人。今年二十有二矣。此十六年

中嘗過千辛萬苦。母氏劬勞。真到極處。小子讀書七年。去從布賈習業。肆主賞我勤敏。每月得勞金二千四百制錢。幸先君在日。購得諸古嶺小屋三楹。母子依此敝廬過活。小子每月奉錢歸母。母治針黹相佐。居然一月剩錢一千有餘。小子身庇慈雲。心傾愛日。自安貧賤。一切不敢爲分外之求。因自書知足二字。榜之小堂。旦夕相對。觸目警心。昨日寒食。曾親至先君墳上。祭

掃一遭哀哀吾父留下孤兒好生悲慘也。

（解三醒）還憶得膝前遊戲 屢摩腮說這頑皮

洒墨痕污了春衫紫 私防備阿娘知 那解道

兒時風景過來易 壯歲思量戀已遲 纏綿

意 墳頭纖艸 觸目成悲

今日清明佳節老母留饗祭餘須索入廚。

躬佐阿娘刀砧去也。下

第二齣

避雨

外襟白髮
微步上

(紅衲襖)

算年來運命佳

貨如山都得

價

更何須遠慕張騫槎

(仄音)

準盈虧還須

節省些

我見他同業之人

趁流娼

走狹斜

熱娘姨

親大姐

我只得

飛雁冥冥短翅

襤褸也

向何方來索咱

老漢王廷瑛表字子珙家資十萬開有上

海布莊二處年來兼販洋布及一切歐洲

雜貨經老漢持籌握算大有盈餘老漢長

自孤貧初無近支兄弟繼室呂氏又已前

卒遺下一子。阿壽不過十歲。看來是一箇至劣材料。老漢空有家資。後此恐無所託。實則洪範五福。子孫不與。只索聽天由命。恣彼所爲。且老漢年已七十。外間固有財虜之名。焉知我王子珙一擲萬金。初非所惜也。今日清明佳節。恃我健步。尙能往反二十餘里。上我祖塋。吾豈區區惜此賃輿之錢。亦不過自家惜福而已。今已入城。將近諸古嶺。汝看天際陰雲。行將大雨。如何

是好。噫。雨來了。不免在此人家簷下。少避
頃時。

（搗練子）過寒食 幾番風 垂楊細路雨絲中
爾許淒涼春斷送

噯。汝看這小小人家。倒也洒掃潔淨。（窺介）
奇了。奇了。他堂額公然題上知足二字。難道他家亦廣有資財麼。這倒須一問。不是老漢多事。如此濁世。多半貪夫。而小小人家。却能知足。真大出意料之外了。須索叩

門一問 (外叩門介)

第三齣

問額

上生
(北朝天子)

永牽慈母裾 快樂真有餘 味醺

醺 怎向他人語 俺這裏 一抱天真焉知貧窶

抵多少 走名場趨大府 望影僂躬 遺聲

撩怒 好威風 一似貓臨鼠 咳 人生幾何 富

貴何味 奚須苦苦如此 省一番趲趲 免一番

痛苦 放開些 糊塗去

(外)靜聽後叩門介。(生)何人見訪。(外)道中遇雨。擬暫借艸堂一避。(生)不嫌敝陋。請老丈茗談。(外)多承多承。(外見匾額作洗吟介)(生)敢問老丈何爲見此匾額。不勝疑駭。難道小子不應作此迂腐之語麼。(外)非也。尊兄如此妙年。不是老漢唐突。但以尊府而論。似非有餘。何以有此兩字。(生)老丈有所不知。要足何時足。知足便足。小子家有孀母。此區區敝廬。是先君所遺。可避風雨。一足

也。老母早孀。年來愈健。小子朝夕得所瞻
依。二足也。小子爲人傭工。月得制錢二千
有四。老母清儉。尙能爲小子居積。不至負
債。三足也。小子無才。無學。謬蒙肆主人青
眼。而同輩亦無猜嫌。四足也。歲時家祭。老
母精於烹調。用錢不多。小子得享慈母手
中美饌。五足也。有此五足。苟不自知。直非
人耳。出言狂妄。乞老丈恕罪。(外)太息介尊
兄年事不多。而閱歷有得。老漢今日相逢。

真三生有幸。敢問尊姓大名。(生)小人無字。
陳姓名曰伯灃。(外)失敬失敬。(生)說了半天
的話。未問老丈尊名。路過何事。亦乞見示。
(外)老漢王廷瑛。字子珪。薄有家資。今日清
明上坟。值雨竟至叨擾府上。(生)豈敢。(外)我
老漢佩服足下極矣。足下聽者。

(四邊靜)你些些都了平生願。不似喧猥漢。制
行務求實。陳詞未曾闌。心期高遠。詎同

稗販。幸能佐卑人。酬報月盈萬。

(生) 萍水相逢安敢遽膺重貺。(外) 老漢閱人多矣。一萬之酬。不過十千而已。比足下歲入較多。請告堂上。明日卽至南台與老漢和記行中相見。(生) 稟白老母。卽來奉謁。心畫心聲恐失真。(生) 老夫平日負知人。(外) 不才從此經鞭策。(生) 騏驥生來卽絕塵。(外)

第四齣

別母

上老旦 (蠻牌令) 做半世可憐人 老不死可憐身

嬌兒偏戀我 依說不憂貧 擔過年年苦辛

天啊！我母子兩人，却不曾有小病微呻，閒

來想定夙因，這安貧滋味，却作喜迴噴。

風雨孤燈四十年，奈何人問奈何天。縱逢
諫果迴甘日，孀婦頭毛白到顛。老身謝氏，
丈夫早世，遺下幼子阿濤。老身千辛萬苦，
幸已鞠養成人。此子倒也不惡，一絲一粒，
一舉一動，無不關白老身。且一味齟定安
貧二字，倒說不貧。居然懸起知足匾額。昨

日有人避雨茅檐，與阿濤說了半天世故的話。要吾兒到彼行中襄助。月與萬錢。老身細想，幣重言甘，恐怕不利於吾之愛子。今且喚阿濤一問，便知端的。濤兒那裏？（生）來了。老母有何分付？（老旦）濤兒，昨日老人對爾何言？（生）已稟過老母。王子珙先生延兒司賬，月給萬錢。（老旦）天下驟富不祥。汝自信知足，今亦爲萬錢改操耶？（生）老母教訓良是。兒觀此老忠厚純實，且到彼家一

看果爲刻薄自封之人。兒再行告辭。未晚。

(老旦) 汝須當意。勿忘知足二字之意。可也。

(五般宜) 我何曾喜虛惡盈。怕黃金滿瓶滿罌。

只患忒聰明。駕僞張邪。運 奸謀透頂。想

這老人 鐘鳴漏盡。癡魂未醒。汝莫要誤觸

疑兵。慶三生得識荆。

(生) 老母放懷。兒自有道理。(老旦) 汝須小心。

勿得大意。(生) 曉得下。

第五齣

推產

外扶
病上

(江頭送別)

紗窗上

一點兒

落下蛸蠟

茅

檐外

數片兒

月暗芭蕉

貳 淒涼無睡多

時了

想彌留

依在

今夕明朝

老漢王子玦。今年七十有五矣。前五年看
上陳生伯灃。將所有生計。奉託。這伯灃內
聰明。而外柔順。忠肝義胆。着實動人。且肆
應尤長。爲老漢掙得資財不少。看看五年
以來。已增五萬。老漢殊不過意。增加酬勞。

而陳生抵死不肯。抱定知足二字。近來亦已娶婦生子。其母愈加康健。亦是吉人天相。吾想此人忠實可靠。吾子不肖之狀。已漸漸呈露。卽授以巨產。旦夕可敗。吾不如乘我能言之際。作爲遺囑。一起付之陳生。則吾子後來。或有噉飯之地。較似付之博場妓館。脫手萬金。爲勢勝矣。(來)(呼人介)(貼入介)(外)汝可請賬房陳先生入面。

(三疊引)沈沈衰病無常近 老去年光一瞬 要

保這家私 交與陳生安穩

(作伏几臥介) (貼) 啟爺。陳相公在外候命。(外)

有請。(生) 老伯尊患如何。小姪恐談話煩勞。不敢進擾。想吉人天相。財運方昌。轉瞬可占勿藥矣。(外) 灃哥。汝真做夢也。

(前腔)

匆匆牛馬粗粗健 盡付空花一歎 那

有百年身 安計家資千萬

灃哥。汝一旁坐下。(外作喘息介) 灃哥。老漢

與汝萍水相逢。猥蒙盡心助我。老漢年已

七十有五。卽乘化歸盡。亦屬理所當然。所惜山妻久逝。遺此一子。年僅十五。老漢看將起來。此子大大不成材料。與其將我十餘萬家財。付之嫖賭。不如屬之正人。則不肖子。尙有沾光之地。今鐘漏都歇。轉瞬歸陰。特請灃哥到此。吾已親筆寫有遺囑。將一起家財行業。歸兄名下。阿壽但付與現銀五千。住屋一區。至于後來成就之事。全仗灃哥了。(哭介)(生)(天驚介)

(玉芙蓉) 雷霆震耳驚 肺腑登時冷 把輕輕萬

貫 託付微生 咳小姪一生爲人長貧何敢

思醲福 久餒無心饗大烹 伶俖影 賴先

生看承 那更望紫標黃榜聚門庭

此事小姪萬萬不敢答應。(外) 湮哥。汝願看

寒家敗裂了。(生) 老伯怎說。(外) 我辛苦一生。

閱世已久。前此因知足二字。延請足下。今

日卽用知足二字。託付家財。汝還不曉老

漢意思麼。(生) 旣已如此。小姪只能仍用知

足二字。肩此重任罷。(外)如此裁算知己。

(尾聲)

老天假我須臾命。將後事徐徐細捫。

(生)誓矢丹心學杵嬰。

第六齣

縱博

上小生 (步蟾宮)

紅樓春暖煖花香早。緩步處垂楊官

道。

憶瓊筵醉後月輪高。剛好雉盧人到。

小生王壽。今年一十七歲。自前年先君見背。遺囑中言。家產都盡。但留下五千銀子。

及住屋一區。至和記行中一切帳目。均交與盟兄陳伯灃承領。我想先君一生經營。不曾破浪。何以空空如也。是中大有疑案。無奈遺囑中。鐵案如山。不能搖動。且有數人見證。簽字列押。此案何從翻起。也罷。我如今現有些須銀子。儘可揮霍如意。今日張老三。吳老八。約我到洲尾阿鳳家小飲。是夜尤有攤場。我率性恣情一博。計二年以來。五千已從阿鳳家耗去大半。所遺無

幾。且爲孤注一擲。得勝則原產依然。不勝
尙有住宅可賣。有理有理。

(前腔)

揮金看作輸籌馬。半醉語華燈光下。

佳人婉嬾玉釵斜。旋覺酒魂銷也。

(虛下)

(副淨)

肥魚大酒食不厭。

(丑)

蔑片。

(副淨)

三箇

骨頭大宣戰。

(丑)

黑騙。

(副淨)

不過片時黑白

見。

(丑)

下賤。

(副淨)

才知賭博場中險。

(丑)

天譴。

(副淨)

咱張三。

(丑)

咱吳八請了。

(副淨)

請了。老

八好些日不見傻小子。不能要他一頓館

子。可惡可惡。（垂）老三。汝知他手尾看看要精光了。聞說所剩不過千把。我已密約王鶴子。用一副機關骰子。今夜在阿鳳家。設下賭局。把這傻小子騙上攤場。一不作。二不休。率性把他傾囊一耍。（副淨）老八。他餘錢一罄。我輩仍沒得生活。（垂）他尚有住屋一區。他傻極。怎曉時價。我一面與財東串通。兩千只作一千。得來作三股均分。不好麼。（副淨）財窮屋賣。我輩仍不得生活。（垂）老

三。汝尙不知王禿子。將十餘萬家財。付與
老陳。待到傻小子山窮水盡時。爾我二人。
同延狀師。令與老陳打起官司。仍可就中
取利。(副淨)汝真真當得一個諸葛亮也。(丑)
豈敢。一路行來。到此已是。(打門介)壽哥開
門。

上小生

(卜算子)

鴉片半床香 躺着天人樣 宵宵

雲雨楚襄王 夢滯陽台上

(開門介)

張吳二兄。甚風吹到此來也。(副淨)

丑 好久不見。彼此太生疏了。今夜阿鳳家裏有大財東喚做鷄子。開攤。聽說底本有三千塊錢。老哥財運亨通。必然得手。阿鳳家今日弄得好菜。須索一來。（小生）小弟于此道頗外行。尙望兩位哥哥指點。（副淨丑）好說好說。

腰纏騎馬碧雞坊

生

伸手場中抓大洋

副淨

抓得大洋兩千塊

丑

春宵來狎野鴛鴦

生

第七齣

索金

小生
衣上
敝

(寄生艸)

曉月

侵單被

涼風

振壞堂

當

前一片淒涼象

昔日裏

黃金放手誇疏爽

博徒晝夜同狂蕩

又怎知

梟盧無望一囊空

却成了韶年暮景誰來仗

卑人阿壽自先君遺下五千銀子住屋一區無奈卑人老不長進凶嫖狂賭錢也花了屋也賣了無可栖身漸且託身破廟昨日路見張三吳八身滿羅綺倒也體面向

之陳乞。不惟不舍一文。而且當面奚落。說汝哥哥擁二十萬金。均是尊甫遺產。眼前有佛不拜。却來餓鬼分餐。所說不爲無理。無奈曾向哥哥借貸。亦少有攸助。但不能多。卑人嗜賭性成。一手得錢。一手縱博。哥哥也漸漸討厭。有訪皆辭。我思先人既以家財託付。他不該絕人太甚。今日率性說出前情。取還舊物。明知不能到手。然總得些些。可以敷衍一時。咦。我如今只有這箇

主意。（行介）

（天下樂）

他仗着佳時

高坐稱財神

我不沾半

點恩

西華江南剩一身

葛帔寒

孰我親

支不了這樣兒清貧

一路行來。到此已是。咦。人來人往。行中真
大興旺也。汝看哥哥。坐在櫃上。意氣揚揚。
我不免上前見禮。（揖介）哥哥有禮。（生）壽弟
來此何幹。（小生）哥哥聽者。

（越恁好）

難禁奇辱

難禁奇辱

乞食向誰家

月淒風冷無藏處。隨饑鴉。老哥哥想應歎
嗟。休來肆罵。阿爺產誰刼去。洪鑪化孤
兒。餓誰訴那泉台下。

（生）嗟。嗟。尊人之產。何人爲汝化去。好生說
來。（小生）我恐怕就是哥哥。（生）有何憑據。說
我吞產。我當日授受之時。存有尊人親筆
遺囑。產業可吞。難道親筆遺囑亦有假麼。
夥計來。把這不長進東西。好生趕出。阿壽
聽者。汝不說此言。我尙肯拯爾饑貧。今既

如此。汝下次再登吾門。汝可仔細脛骨。（小

生（哭介）

（尾聲）空教挾彈求鷗炙。怎曉得餓夫雙眼望

巴巴。幾乎似虎如狼。把阿壽打

第八齣

行乞

副淨帶（南僥倖令）失眠行處蹇。扶醉坐來歪。俺

張三。一生以蔑片爲業。遇著輕年子弟。一下手便引入煙花。若論看家工夫。最出頭是精于賭

博，喫的，穿的，全靠他人。妻也，子也，不曾提起。當日有王傻子，大不更事，把我當作好人，被我同吳八，明謀暗算，把他整萬家產，花空了。聞說大不得了，行乞于南街之上，雖屬可憐，究屬自取。昨日吳老八說已另勾一人，吾輩仍用前法引人入勝。今日無事，不免往訪老八一談。（行介）汝一班人，闊老行藏稱慷慨，要把汝據雕鞍抓下來。

（丑）山重水複疑無路，柳暗花明又一村。（相）

見介。三哥何往。（副淨）老八。我正來訪汝。（丑）
近日鼓樓前醉仙居蒸得好鴨子。爾我同
飲一杯。再到灣裏翠菱家。做那話兒生意
如何。（副淨大笑介）肥猪拱門。安能令人不
宰。（虛下）

小生扮
乞丐上（泣顏回）

持杖唱蓮花 徐步天街間耍

饑腸如吼

殘毡披作袈裟

咳。天。天。我王阿

壽。一場家私。付之別人。些小貲財。復歸烏有一
身在難。仰面看人。三旬九食。不得一飽。真可憐

也。涼風一剎。趁秋光城外沿門化。想當時

伍子簫聲。問何如葛帔西華。

哪哪。汝看張吳二賊來了。他把我家財騙

了一空。相見作無盡奚落。我不免躲他一

躲。（副淨丑作瞧見小生介）王壽那裏去。（小

生）汝管我不得。（副淨）汝幾日不食了。（小生

汝亦管我不得。（丑）傻小子。汝哥近日發財。

既已一文不舍。汝何不住其行門之前。埋

鍋造飯。他老臉丟不下。必然收留。此是我

一片婆心。汝休看錯。去罷。（副淨大笑介同

下）（小生）咳。這張賊毫無良心。吳賊尙有胆智。我想我哥哥。不是壞人。若是壞人。我爸爸萬不能以偌大家財。脫手相贈。我行乞之時。亦見過哥哥數次。他雖怒目而視。却有一層不忍之色。今日若從吳賊之言。果真搬到行前。坐臥不去。凡人具有天良。豈有不動色之理也罷。我今不能不出此下策矣。（行介）

西風獵獵破衣單。到此誰憐范叔寒。
不是元和也行乞。古今同是戲場觀。

第九齣

雪臥

生
上布
（一剪梅）

老母年來已抱孫。朝也溫存。暮

也溫存。悠悠忽忽夢留痕。生敢忘恩。死

敢忘恩。

卑人陳伯灃。生少孤貧。長大守分。時時以
知足二字自矢。亦知託命貧家。卽貧到一

輩子亦是上蒼之賜。蓋所寶貴者老母。老母康健。卽爲一生莫大之福。誰知清明佳節。王恩伯避雨茅檐。竟以全副家財相託。富非其分。卽是禍殃。卑人再三拜謝。恩伯至于泣下。不肯。且謂坐看他家煨燼。我此時才明白過來。大概壽弟不肖。萬金可以立盡。故託孤于我。爲守其血產。待其悔過奉還。天哪。天哪。果太甲無怨艾之時。則伊尹安有復辟之舉。近日山窮水盡。竟至行

乞不知聽誰指使。竟埋鍋造飯于行門之外。他意似欲玷辱卑人。誰知倒是卑人一個機會。阿壽年少無識。將住屋賤賣了。倒却不怪。竟敢將我恩公神主。付之野廟。幸我已一一部署。專候其悔過之一日。茲聞阿壽已往外叫化。我不免出門一瞧。

（江頭送別）

台階上 一把兒 鐵鏽泥銚 台階

下 一把兒 半破殘簫 忒淒涼樣子教人

瞧 怎挨過暮暮朝朝

人來。汝把一切破碗鐵銚。都加洗滌。裏頭
量米升許。加以木炭少許。堆在罏邊。碗上
擱些鹹菜。也好。汝看朔風刮面。看看要下
雪了。這石板上。如何能臥。我縱使學蘇秦
以惡草具款待張儀。却也留些餘地。人來。
汝待王相公歸時。可告訴我。自有道理。（丑
扮打雜上。）是是。（作鬼臉介背介。）一箇花子。
不趕去也罷。我能叫做王相公麼。（生）狗才。
不叫王相公。叫甚麼。汝不曉王相公還要

做汝老板呢。（丑吐舌介）

（山麻稽）
（小生子作畏）

郊關外霜風勁動 多半要六

出飛花 粧成雪宮玲瓏 爭曉我白森森挨

凍 也罷 拚余性命 向冰天雪海 了帳從

容

（丑）這活鬼到了，我不免稟知老板，老板有

請。（生）王相公回來了。（丑）回來了。（生退下，徐

步出介。（小生）哥哥，天寒如此，出來做甚。（生

汝不覺寒麼。（小生哭介）小弟寒慣了，這些

炭米。想是哥哥所賜。不想哥哥尙能疼及
不肖。(生)汝自知不肖麼。(小生)知之。(生)凡人
罪惡彌天。準得一個悔字。如果能悔。尙不
爲遲。大雪將來。這石板上能睡過一曉麼。
(小生)哭介。那裏找得暖房。將就罷了。(生)石
板能將就。難道我行中下房。不能將就麼。
(小生)小弟那敢奉擾。(生)能得一悔字。便可
住我下房。人來。汝將破鉢火鑪。一切丟去。
請王相公下房居住。將我布襖找出一件。

與王相公擋寒。（小生）感謝哥哥。

（尾聲）今朝始信人情重。不將殘喘委霜風。

（生）我願汝找得天良蹇運通。

第十齣

悔過

外扮賬房（水底魚兒）歷練成人。應該受苦辛。炎

涼變幻。多半有前因。

小老李伯年。在和記中司賬三十年。王老板物故。以家私託付陳老板。數年以來。不

止添上十萬。無奈王相公不肖。至于行乞。今日漸漸悔過。經陳老板收留。前日隱中定計。出一千支票。請王相公往取現銀。本來試其能否逃遁。不道王相公果真悔過。一一交還。陳老板放心不下。又經屢試。至于七八千之多。幸皆不苟。細看老板意思。將有還珠之期。然且未說出。天哪。天哪。果能如此。我王老板真有知人之明也。說聲未已。老板已出來了。

生
穿
上木棉
(北點絳脣) 收雪烹茶 銷金取醉 都容

易

耐耐貧兒 趕不上名流比

李先生今日雪下得大了。(外)老板何以不
穿狐皮。(生)寒家却無此物。先君見背。衾殮
匆匆。家母年來未嘗御及羊裘。謂不應使
逝者單寒。生者飽煖。故卑人亦終身不敢
着裘。(外)可云賢母之教。(生)壽弟近日大有
悔過之心。李先生以爲如何。(外)看來極好。
(生)如此是我恩公冥冥之中大加保佑。(揮

淚介

(遠地遊)戀恩懷舊 把腕兼搔首 念孤兒令人
消瘦 嬰杵餘悲 思存趨後 到今朝纔寬
暗憂

人來。汝請王相公到此會話。(貼)王相公有
請。(小生)雪中贈炭真君子。錦上添花爛小
人。哥哥拜揖。(生)賢弟。(小生作驚駭狀)(生)今
日大雪。愚兄備有小酌。請李先生及賢弟
一談。(排酒介)(入坐介)(生)賢弟。愚兄有一言

動問。厝屋賣了。倒也無妨。敢問我恩伯神主。置在何處。須與愚兄一說。（小生大哭伏地不起介。生搵淚扶起介。）前事可以儘說。愚兄決不汝罪。（小生大哭介。）小弟不孝。竟將先君木主。寘之破廟龕中。然行乞時。尙時時瞻拜。前數月。不知被何人偷去了。（作叩頭介。）（生扶起介。）此可放心。木主何人肯要。立時可以查出。惟老弟尙有嫖賭根苗。存在中心否。尙須對愚兄自明心迹。（小生）

哥哥。

(前腔)

賭根清淨

砍斷平康脛

早銷除當時

情性

花柳成仇

松楸起敬

感哥哥教人

涕零

(生) 賢弟果能如此。不惟王氏之幸。卽愚兄

亦叨光多矣。明日雪晴。愚兄帶汝往遊一

箇坐落。教汝便知端的。李先生酒有麼。(外)

小老不勝酒力矣。

雪中難得聚知心。

(生)

大夢沈沈直到今。

(生小)

浪子迴頭時豈晚。

外

不經風雪不成林。

生

第十一齣

謁主

(場)

上懸珠還
供木主二

堂

(丑扮禿頭老僕上)

五十餘年沒有撈，狠思

牛肉配燒刀，一毛不拔人家笑。

那曉得

我頂上

無毛下有毛，咱名黃三套。天津人也，流寓福州。

蒙王老板收留爲打雜，那曉得老板死了，少爺不學好，把家私弄空，並把這住宅賣掉了。聞說王老頭把偌大家財，送給小陳，小陳倒有良心。

將這住宅贖還。又把王老頭神牌。供在堂屋。前兒送信來。叫我弄一桌面。供在神牌前頭。小陳還要代同小王來拜。諸事全備。且靜候他來便了。

小生素服同上外

(生)(南畫眉序)殘雪抱梅枝 疎影橫斜

上橫幅

李先生雪後出門。殊有佳致。(外)不錯。

(生)轉天街一刹 已見柴扉

賢弟。此是何家。

(小生驚駭。不敢作答介)(生)如何不說。(小生似是

賣去故宅)(生)看門前翠竹依然 轉增我痛心

無已(丑開門介)老板請進(生)汝諸事都已全備

(丑)備多時了

燕簾鶯戶依稀是 惜惜地

甚人料

讀平理

賢弟汝看高堂之上兩尊木主是誰(小生)

狂奔抱兩木主(生)長跪大哭(介)(外)

掩淚(介)(丑)作鬼臉背面笑(介)他這些人敢

是風了

小(駐雲飛)痛我爺娘 萬死凌遲不孝當 結識

多荒傖 妄說交遊廣 縱博且千場 家資

盡蕩 不藉恩兄 餒死知何嚮 迴想年來
涕萬行

(生對外作手勢介) 賢弟。既已知悔。想我伯
父伯母二尊。必然肆赦。汝今且將木主供
在案上。容愚兄一拜。(小生叩謝哥哥。(生

(前腔) 拜上恩公。拔我傾斜老屋中。止足何
人懂。全把家資送。忍下辱重重。難爲面
孔。直到如今。或且逃譏諷。仍把家資屬
舊東

(小生) 哥哥是何說話。(生) 汝不曉得。愚兄自有道理。(小生) 父母陰靈在上。不孝至死。不從哥哥之言。(生大哭介) 伯父伯母。暗中聽愚兄之言。只索點頭。可惜汝不見也。

(尾聲) 此念何曾一刻鬆 趙璧忘歸難說忠

我陳伯湮呵 忍得饑疲容得凍

第十二齣

珠還

外末貼丑(縷縷金)(合)可憐見寒乞兒 一朝還故產

饗豐肥 臥雪形骸上 披金掛紫 陳生

好義事離奇 咱們替歡喜 咱們替歡喜

(外) 小老秋嘉禾是也。(末) 卑人劉壽平是也。

(貼) 卑人康六安是也。(丑) 小子許八哥是也。

(外) 請了。今日陳伯濤還產于王阿壽。大張

筵席。徧請親賓。當面算賬。真是難得。三代

以下。好義之人甚少。陳伯濤此舉。可謂前

無古人矣。(衆) 難得難得。我們就此早些赴

席。(生) 小生外出迎介。(衆相見介)。(生) 諸位高

鄰中有耆年大耄。與我恩伯同輩者。當知前日之事。我恩伯王子玦先生。遺產交與小子。可十二萬有餘。載在帳簿。臨死時。以我盟弟血氣未定。恐怕有意外破浪。故暫將血產付託。其意亦俟我盟弟迴頭。漸曉世事時交還。今我盟弟一改前非。小子已帶之謁告恩伯神主。誓將原產歸還。除原存十二萬外。歷年經小子幹旋。增財十萬。然數年中。小子與有微勞。今除原產十二

萬勿動。涓滴交還。餘利十萬。作四六開分。盟弟得六。小子得四。用作酬勞。果小子一錢不受。亦未免作僞。且我恩伯在日。每月以制錢十千。作爲薪水。小子自受產以來。家用總不出此十千以外。何者。產爲王氏之物。小子何敢輕動。今日浪子回頭。故產重歸。是一場佳話。亦表我小子一生知足。久要不忘。敢請列位高隣到此。一作證見。並洗小子平日霸產忘恩。驅逐盟弟之羞。

辱。（生掩淚介。）小生哭介。（衆歎息介。）（生）

（集賢賓）東翁大恩天樣深。
殊教我下酸淚潸潸

幾度思量潛拊心。
賽當年鮑管分金。
我

如今捧出賬簿請諸公細審。
沾半點舊人餘

瀋。
浮議寢。
今日裏沈酣恣飲

（衆）難得陳伯翁。如此高義。一心忠蹇。不曾
欺及亡人。萬貫儲藏。悉數歸諸舊主。耐耐
吾輩無文。不能表彰盛德。或且百年以後。
遇有服善闡幽之人。作個傳奇行世。亦可

不沒陳伯翁矢廉守信之心。（生）好說好說。
內中酒席已陳。請諸公入座。

隱衷數載自今明。（生）愧我無能累老兄。（小）
兄友弟恭真可敬。（外）千秋佳話一時名。（衆）